



## Terenga 4: Hōtaka 13 - Riro / Warea

### He Mihi

Ko te whāinga a Ako, kia rite te rōreka o ō tātou reo ki tō te kōpara e kō nei i te ata. Mā pango, mā whero, ka rapa te whai. Nō reira, nau mai, ka haere tahi ai tāua ki te rapu i te waihonga e wainene ai te rere o te kōrero.

### Hei Mahi Whakarongo

Ākuanei tātou ka rongo i ngā reo o Te Whānau a Apanui i pāhotia i runga i te hōtaka o Iwi Anthems. Anei ngā pātai hei whakautu mā koutou:

1. He aha tā te tūrehu karanga?
2. Piki ai ngā wairua ki whea?
3. Ā whea tūhono anō ai te wairua me te tinana?

### He Whakamārama

Tirohia ēnei tikanga rerekē e rua o te kupu 'riro'.

- |                                      |                                 |
|--------------------------------------|---------------------------------|
| 1. <b>Riro</b> = kua whiwhi          | Kua <b>riro</b> i a ia te pōro. |
| 2. <b>Riro</b> = kua wehe, kua haere | Kua <b>riro</b> ia ki tāwāhi.   |

Ko te pū 'i' ka whai i te kupu 'riro' i te taura tuatahi.  
Ko te pū 'ki' ka whai i te kupu 'riro' i te taura tuarua.

Tirohia hoki ēnei taura o te kupu 'warea'.

**Warea** = *absorbed, occupied*, pau katoa ana ngā whakaaro ki tētehi kaupapa.

- |  |  |
|--|--|
| 1. Kua <b>warea</b> ia e te moe.       | <i>He was overcome by sleep.</i>           |
| 2. E <b>warea</b> ana ia ki ana īmēra. | <i>He was preoccupied with his emails.</i> |

### Hei Mahi

**Whakamāorihia** ēnei rerenga:

1. He's absorbed in his new book.
2. She's fully occupied with her baby.
3. Pita's left for the airport.
4. We must acknowledge those who have passed on.

### Whakautu:

1. E warea ana ia ki tana pukapuka hou.
2. E warea ana ia ki tana pēpē.
3. Kua riro a Pita ki te taunga rererangi.
4. Me mihi ka tika te hunga kua riro ki te pō.